

詩經四家異文考

詩經四家異文攷卷之四

侯官陳喬樞學

大雅文王之什

大正○說文繫傳正古文以爲詩大正字徐鉉曰詩大正

卽音雅

其命惟新○孟子滕文公上詩曰周雖舊邦其命惟新

娓娓文王○崔靈恩集注娓娓文王

案娓娓毛詩作疊疊崔集注所據乃三家今文也

穆穆文王令問不已○墨子明鬼篇穆穆文王令問不已

案疊疊傳云勉也勉穆一聲之轉易繫辭鄭注云疊

聲沒沒也亦以聲近相轉問毛詩作聞釋文聞音問
陳錫載周○左氏宣十五年傳詩曰陳錫載周

案昭十五年傳引詩文同國語周語引亦同毛詩釋
文云哉本又作載

文王子孫本枝百世○文選張衡南都賦本枝百世李善
注詩曰文王子孫本枝百世

左氏莊六年傳詩云本枝百世

案文選五十九沈休文齊故安陸昭王碑文注引詩
文王子孫二句文同今毛詩作孫子又北堂書鈔一
衆經音義二十三白帖十九二十引詩本支並作本

枝

惟周之士不顯奕世○後魏書禮志四劉芳議詩云惟周之士不顯奕世

案盧文昭云後漢書袁術傳注引詩亦作奕與此同其𪔐不意○說文繫傳錯按詩曰商之孫子其𪔐不億今詩借麗字

常服黼綬○毛詩釋文呼字林作綬

毋念爾祖○左氏文二年傳詩曰毋念爾祖聿脩厥德

案左傳昭二十二年引詩仍作無念爾祖與毛詩同又孝經引大雅云毋念爾祖釋文毋音無本亦作無

述脩厥德○後漢書東平思王傳詩不云乎毋念爾祖述脩厥德

案後漢書宦者呂強傳引詩亦作述脩

儀監于殷峻命不易○禮記大學詩云儀監于殷峻命不易

案毛詩儀監作宜鑒峻命作駿命與禮記所引文異釋文云不易毛以豉反言甚難也鄭音亦言不可改易也下文及後不易維王同

無謁爾躬○毛詩釋文謁於葛反或作謁音同止也韓詩謁病也

案廣雅瘍病也韓蓋以遇爲瘍之段借字

宣昭義問○毛詩釋文義毛音儀善也鄭如字

上天之載○禮記中庸上天之載注載讀曰裁謂生物也
上天之綽○漢書楊雄傳上天之綽

案顏師古集注綽讀與載同文選七甘泉賦注云綽
事也李善之訓本於張揖廣雅

儀彤文王○潛夫論德化篇儀彤文王萬邦作孚

案儀彤毛詩作儀刑

萬國作孚○禮記緇衣大雅曰儀刑文王萬國作孚

風俗通義二詩說儀刑文王萬國作孚

大明

天難諶斯不易惟王○春秋繁露天地陰陽篇詩云天難
諶斯不易惟王

漢書貢禹奏言曰詩曰天難諶斯不易惟王

後漢書胡廣上書曰詩云天難諶斯不易惟王

潛夫論卜列篇天難諶斯

案相列篇仍作天難忱斯與毛詩同疑轉寫者改之

說文言部諶誠諦也从言甚聲詩曰天難諶斯

天難諶斯不易惟王○韓詩外傳十傳曰言爲王之不易
也詩曰天難諶斯不易惟王

案王氏詩攷引外傳作就今本外傳改忱非又毛詩
易如字此引傳曰言爲王之不易也是讀易爲難易
之易與毛詩義異

天謂殷適使不俠四方○韓詩外傳五詩曰天謂殷適使
不俠四方

案王氏詩攷引外傳如此今本外傳仍作天位殷適
與毛詩文同俠毛詩作挾傳云達也說詳韓詩攷
聿嬪于京○爾雅釋親注詩曰聿嬪于京

案聿毛詩作曰

惟德之行○列女傳二太任之性端壹誠莊惟德之行

案太平御覽一百三十五引毛詩維亦作惟

太任有娠○衆經音義一漢書孟康曰娠音身今多以娠作身兩通也詩云太任有娠是也

唯此文王○春秋繁露郊祭篇詩云唯此文王小心翼翼惟此文王○新序雜事四詩曰惟此文王小心翼翼

案漢書董仲舒對策引詩亦作惟字又論衡變虛篇蔡邕答齊議高誘淮南王術訓注後漢書安帝紀注引詩竝作惟

允懷多福○春秋繁露郊祭篇詩云昭事上帝允懷多福班固明堂詩允懷多福

案允懷毛詩作聿懷傳云聿述也聿允一聲之轉

在郃之陽○說文邑部郃左馮翊郃陽縣从邑合聲詩曰
在郃之陽

〔水經〕注四河水又逕郃陽城故有莘邑爲太姒之國詩
云在郃之陽又曰纘汝維莘謂此也水南猶有文母廟
前有碑水卽郃水也縣取名焉故應劭曰在郃水之陽
案郃毛詩作洽釋文亦引漢志郃陽縣爲證

於澗之浹○初學記六詩曰於澗之浹

案毛詩作在澗之浹

磬天之妹○毛詩釋文覩韓詩作磬磬聲也

案毛傳倪磬也倪磬古今文之異說詳韓詩攷

大定厥祥○白帖七詩曰大定厥祥親迎于潤言迎太姒也

案臧庸以白帖所引爲三家異文喬樅謂大字蓋卽

文之譌耳

船舟爲梁○毛詩釋文造廣雅作船說文船古造字

案方言云船舟謂之浮梁郭璞注卽今浮橋

續汝維莘○水經注四詩云續汝維莘

案太平御覽一百三十五引詩續女亦作續汝

保佑命爾○毛詩釋文右音祐字亦作佑

保祐命爾○太平御覽三百三詩曰篤生武王保祐命爾

其檐如林○說文加部檐建大木置石其上發以機以退敵也从加會聲詩曰其檐如林

案許氏所引詩三家今文也馬融廣成頌云旃旃摻其如林正用此詩語毛詩作會古文消借字

維予侯興○毛詩釋文予毛羊慮反鄭羊呂反

案予毛讀爲予我之予鄭讀爲賜予之予音義各異上帝臨爾无貳爾心○李氏易傳十一干寶注詩曰上帝臨爾无貳爾心

毋貳爾心○漢書貢禹奏言曰上帝臨女毋貳爾心

上帝臨汝無二爾心○春秋繁露天道無二篇詩云上帝

臨汝無二爾心

案盧文弨云一本作無二汝心毛詩汝作女二作貳
埤野洋洋○水經注九詩所謂埤野洋洋檀車煌煌者也
案臧庸云書牧誓注正義云禮記及詩作埤野

檀車皇皇○韓詩外傳三詩曰牧野洋洋檀車皇皇

四騮彭彭○公羊隱元年疏案異義古毛詩說天子至大
夫同駕四皆有四方之事士駕二也詩云四騮彭彭武
王所乘

案盧文弨云淮南王術訓許慎注引詩亦同臧庸云
周禮疏三十二引詩駟亦作四

惟師尙父時惟鷹揚○楚詞天問注詩曰惟師尙父時惟鷹揚

○周禮環人注詩曰惟師尙父時惟鷹揚

案初學記十一後漢書注十八引詩文同文選注二十八漢書王莽傳注引詩惟師尙父藝文類聚九十一太平御覽九百廿六引詩時惟鷹揚維皆作惟時惟鷹揚諒彼武王○太平御覽二百六詩曰維師尙父時惟鷹揚諒彼武王肆伐大商

案爾雅釋鳥鷩白鷩楊字卽鷩之消借班固封燕然山銘以鷹揚之校與螭虎之士對舉是亦以揚爲鷩

之假借字應鷁之作應揚猶與引虎螭其師之作虎離也又文選注五十三太平御覽三百三竝引詩諒彼武王攷毛詩釋文云涼本亦作諒詩經考文云古本作諒

亮彼武王○毛詩釋文涼韓詩作亮亮相也

案漢書王莽傳引詩亦作亮彼武王說文繫傳引亦作亮彼武王據韓詩也

襲伐大商○風俗通義一詩云亮彼武王襲伐大商

案襲伐毛詩作肆伐說詳魯詩攷

會鼂爭盟○會鼂請盟○楚詞天圓會鼂爭盟何踐吾則

一本作會冕請盟

案此卽會朝清明之異文

條

人之初生自杜漆沮○漢書地理志石扶風杜陽杜水南入渭詩曰自杜師古集注曰大雅緜之篇曰人之初生自杜漆沮齊詩作自杜言公劉避狄而來居杜與沮漆之地

自土漆沮○水經注漆水篇周太王去邠踰漆度梁山至岐下故詩曰自土漆沮又曰率西水滸至于岐下

雲文類聚八十二詩曰自土漆沮

案段玉裁六書音均表調毛詩自土汨漆當從水經
注及漢書地理志注作漆沮以沮與父爲韻也

古公亶甫。毛詩釋文父本亦作甫

孟子梁惠王下詩云古公亶甫注云亶甫大王名也號
稱古公

案唐石經及宋本岳本竝作甫閩監毛三本作父攷
隸釋載巴郡太守樊敏碑作亶甫又太平御覽八百
三十三引詩文同

陶窶陶穴。說文穴部窶地室也从穴復聲詩曰陶窶陶
穴

案臧庸云玉篇穴部窶下引詩同又云窶或作塤亦作復毛詩役字卽窶之消借

來朝趣馬○玉篇走部趣還也詩曰來朝趣馬言早且疾也

案毛詩作走馬走者趣之古文消借也

帥西水滸○文選干寶晉紀總論詩曰帥西水滸

案毛詩帥作率古字通用

至於岐下○聿來相宇○新序雜事三詩曰率西水滸至於岐下爰及姜女聿來相宇

案毛詩於作于相作胥傳云胥相也釋文相息亮反

周原腠腠○文選魏都賦張載注腠腠美也詩云周原腠腠莝茶如飴

案李善注引韓詩曰周原腠腠則舊注引詩云云爲韓詩無疑矣說詳韓詩攷

爰擊我龜○毛詩釋文現本又作挈

班固幽通賦且算祀於挈龜師古曰挈刻也詩曰爰擊我龜

迺迺迺理○毛詩釋文理本亦作理

迺迺司空迺迺司徒○唐石經乃作迺

案唐石經作迺是也小字本相臺本同詩經考文云

古本作迺

仰立室家○毛詩釋文卑本亦作俾注同後放此

其乘則直○毛詩釋文繩如字本或作乘案經作繩傳作乘箋云破傳爲乘字後人遂誤改經文

案毛傳云言不失繩直也此解經其繩則直句云乘謂之縮此解經縮版以載句箋云繩者營其廣輪方制之正也此申傳不失繩直之義云旣正則以索縮其築版上下相承而起此申傳繩謂之縮之義傳誤繩爲乘故云乘聲之誤當爲繩也後人誤會箋語遂改經文繩字作乘失之矣又案釋文本破傳二字誤

倒爲傳破今從阮氏校勘記訂正

縮板以載○禮記檀弓注板蓋廣二尺長六尺詩云縮板以載

案詩經考文云古木版作板

抃之仍仍○說文手部抃盛土於裡中也詩曰抃之仍仍从手求聲

抃之𪔐𪔐○玉篇手部詩曰抃之𪔐𪔐抃藥也

案毛詩作𪔐𪔐字卽𪔐之消文

百堵偕興○詩經考文古本皆作偕

鼙鼓不勝○說文繫傳鼙大鼓也从鼓得聲詩曰鼙鼓不

勝

案大徐說文本引作弗勝與毛詩文同

乃立皐門○百帖三十八乃立皐門皐門有仇

案毛詩乃作邇下同

皐門有亢○毛詩釋文仇本又作亢

周禮閼人疏詩曰皐門有亢

皐門有閼○毛詩釋文仇韓詩作閼云盛貌也

藝文類聚六十三詩曰皐門有閼

高門有閼○玉篇門部詩曰高門有閼

文選左思魏都賦古公草創而高門有閼

案文選李善注云毛詩美古公亶父曰高門有閭攷
毛詩作臯門有攸左太冲賦是用韓詩語毛字當爲
韓之誤

乃立應門○百帖三十八乃立應門應門將將

應門將將○文選西都賦注毛詩曰應門將將

案班固賦云激神嶽之將將班川齊詩李善注引應
門將將疑本舊注引詩語當爲齊詩之異文而李誤
以爲毛詩也

應門鏘鏘○張平子七辯云應門鏘鏘

藝文類聚六十三毛詩曰乃立應門應門鏘鏘

案大平御覽百八十二引詩亦作鏘鏘放毛傳云將
將嚴正也則字當作將將將乃古文沿借耳又崔季
珪述初賦云觀秦門之將將季珪治韓詩者是齊韓
二詩並作將字疑鏘鏘爲魯詩之異文又將之同音
段借也藝文類聚引作毛詩誤矣

乃立冢土○風俗通義入詩云乃立冢土

晉書禮志詩稱乃立冢土

案白帖六十七引詩文同

亦不殞厥問○毛詩釋文隕作殞

孟子盡心篇詩曰肆不殄厥愠亦不殞厥問注云亦不

殞厥問殞失也

行道脫矣○毛詩箋其行道士衆脫然不有征伐之心意
案毛傳云兌成蹊也釋文兌吐外反又徒外反脫通
外反本亦作兌是毛傳本作兌鄭箋本或作脫也

昆夷兌矣唯其喙矣○孟子梁惠王篇注詩云昆夷兌矣
唯其喙矣

昆夷駮矣○說文馬部駮馬行疾來貌从馬兌聲詩曰昆
夷駮矣

案昆夷毛詩作混夷駮毛傳云突也突亦疾來之貌
犬夷咽矣○說文口部東夷謂息爲咽从口四聲詩曰犬

夷咽矣

案此亦許氏兼采古今文異字也犬卽吠之省文

昆夷突矣○文選魯靈光殿賦張載注突唐突也詩曰昆夷突矣

昆夷瘵矣○廣韻二十廢瘵困極也詩曰昆夷瘵矣本亦作喙

案盧文弨云此所引詩脫去中四字盧說是也廣韻十四泰引詩作昆夷駝矣此云昆夷瘵矣者蓋合下維其瘵矣句而約舉之耳

予曰有晉附 予曰有奔走○後漢書何禹傳注詩云予

曰有胥附○又云予曰有奔走

予曰有奔輳○尚書大傳周文王胥附奔輳先後禦侮謂之四鄰

予曰有本奏 予曰有御侮○毛詩釋文本音奔本亦作奔奏本又作走御本又作禦

予聿有奔走予聿有先後○楚詞注一奔走先後四輔之職也詩曰予聿有奔走予聿有先後

棧樸

薪之槱之○毛詩釋文槱字亦作樵積木燒也

案樵說文云或从示作禱

左右趨之○新書述語篇詩云濟濟辟王左右趨之此言左右日以善趨也

案新書容經引詩文同

春秋繁露郊祭篇詩曰濟濟辟王左右趨之

案趨毛詩作趣趙坦云晏子春秋內篇問下引詩左右趨之與賈子董子文同

奉璋峨峨○毛詩釋文峨峨本又作俄

奉璋峨峨○公羊定八年傳解詁詩云奉璋峨峨髦士攸

宜釋文云峨峨本又作娥

烝徒穢之○春秋繁露郊祀篇詩曰泂彼涇舟烝徒穢之

案檄毛詩作輯釋文引方言云輯謂之橈或謂之權
雕琢其章 亹亹我王○荀子富國篇詩曰雕琢其章金
玉其相亹亹我王綱紀四方

說苑脩文篇詩曰雕琢其章金玉其相亹亹我王綱紀
四方言文質美也

雕琢其章○孟子注二雕琢治飾玉也詩曰雕琢其章
追琢其璋○周禮追師注追猶治也詩云追琢其璋

玉篇走部追治玉名也詩曰追琢其璋

案毛詩作追琢其章傳云追彫也是追卽彫之段借
聲亹文王○韓詩外傳五詩曰亹亹文王綱紀四方

百虎通三綱六紀篇詩云齊魯文王綱紀四方

案毛詩作勉勉我王三家今文皆與毛氏異

早鹿○毛詩釋文麓本亦作鹿

案臧庸云漢書揚雄傳注師古曰大雅早麓之詩宋

祁曰麓舊作鹿刊誤改作麓

瞻彼早鹿○國語周語詩云瞻彼早鹿榛栲濟濟韋昭注

山足曰鹿

案盧文弨云据宋庠本國語引詩如此其舊本仍作

麓鹿字乃古文消借也

栲栲濟濟○說文繫傳栲木也从木晉聲詩曰栲此栲字當作栲

楷濟濟錯按說文無榛字此卽榛字也

案說文解字云楷木也从木音聲書曰竹箭如楷段
玉裁注曰六字未詳疑當作周禮曰竹楷讀如音八
字職方氏其利金錫竹箭注云故書箭爲音蓋許所
見故書作楷楷本木名故書借爲竹名也大射儀輿
用錫若絺綴諸箭注云古文箭作音吳越春秋音竹
十度音竹卽箭竹皆與周禮故書同讀如音者許謂
楷之音同音也段說是也據大徐本說文與小徐本
文異小徐本引詩榛楷濟濟當作楷楷濟濟陸機毛
詩草木疏云楷似荆而赤攷說文繫傳云按周禮楷

可爲矢周武王克商肅慎氏來獻楛矢石弩據小徐
說是楛楛一類皆中箭材者又禹貢惟簡簫楛楛與
簡簫爲伍明亦竹類也惟謂說文無楛字則實不然
說文楛云楛木也从木泰聲一曰鼓也衆經音義引作叢木也
又楛云楛木也从木苦聲詩曰楛楛濟濟小徐意以
楛卽詩楛楛之楛當云詩文無楛字楛卽楛字也或
傳寫者譌舛耳

凱悌君子干祿凱悌○毛詩釋文豈本亦作愷又作凱弟
亦作悌後豈弟皆同

愷悌君子干祿愷悌○國語周語詩曰愷悌君子干祿愷

悌

案左傳僖十二年引詩悌悌君子神所勞矣成八年引詩悌悌君子遐不作人又國語周語中引詩悌悌君子求福不回及晏子內篇雜上引詩並作悌悌

瑟彼玉瓚○毛詩釋文瑟彼字又作瓚

說文玉部瓚玉英華相帶如瑟弦从玉瑟聲詩曰瑟彼玉瓚

邶彼玉瓚○周禮典瑞注鄭司農云詩曰邶彼玉瓚黃流在中

邶彼玉瓚○周禮釋文邶彼音瑟又作邶

案阮氏拔勘記云按說文有邲字在丌部从丌又邲字在血部亦从丌然則邲邲皆璵之音近似借字也又白帖七引詩作瑟彼玼璋玼璋二字乃玉璵之誤愷悌君子胡不作人○潛夫論德化篇詩云愷悌君子胡不作人

民所祭矣○毛詩釋文燎說文作𤇗一云紫祭天也又云燎放火也字林同祭音力召反燎音力小反

愷悌君子神所勞矣○漢書揚雄傳注師古曰詩大雅旱鹿之篇曰愷悌君子神所勞矣

文選注九引張揖曰詩云愷悌君子神所勞矣

莫莫葛藟○毛詩釋文藟本亦作藥

莫莫葛藟○列女傳四詩云莫莫葛藟施于條枚

延于條枚愷悌君子○韓詩外傳三詩曰莫莫葛藟延于條枚愷悌君子求福不回

漢書黃琬傳注詩云莫莫葛藟延于條枚

案後漢書蘇竟傳注引詩藟作藥又引豈弟作愷悌

凱弟君子○禮記表記詩曰凱弟君子求福不回

呂覽知分篇詩曰莫莫葛藟延于條枚凱弟君子求福不回

思齋○毛詩釋文齊本亦作齋齊莊也

案詩經考文云古本作思齋

神罔時侗○說文人部侗大貌从人同聲詩曰神罔時侗
案侗毛詩作恫傳云恫痛也許所據詩文義與毛異
以御于家邦○毛詩箋御治也

案正義云御毛讀爲迓訓迎王肅云以迎治天下之
家國鄭讀御爲馭以御者制治之名故爲治也釋文
云御毛牙嫁反鄭魚據反是毛鄭音義各殊
靡靡在宮○爾雅釋訓靡靡和也

案王氏詩攷以此靡靡爲思齋靡靡之異文
雍雍在宮○漢書八十七下注詩曰雍雍在宮

案文選長楊賦注引詩亦作雍雍唐石經文同

邕邕在宮○魏晝賈思伯傳詩大雅云邕邕在宮

厲假不瑕○毛詩箋厲假皆病也

案釋文云烈假毛如字鄭作厲正義云鄭讀烈假爲

癭集韵十四太云厲病也詩厲假不瑕鄭康成說

厲盡不遐○隸釋漢唐公房碑厲盡不遐

案此與鄭讀合足見鄭箋中改字多據三家今文也

古之人無擇○毛詩箋古之人口無擇言身無擇行以身

化其臣下

案釋文云斲音亦厭也鄭作擇

皇矣

臨下以赫○潛夫論班祿篇詩云皇矣上帝臨下以赫

案毛詩作臨下有赫

鑒觀四方求民之瘼○漢書敘傳詩云鑒觀四方求民之瘼

案鑒毛詩作鑒瘼毛詩作莫文選齊安陸昭王碑盧
深求瘼李善注云班固漢書引詩而爲此瘼今漢書
本同毛詩作莫蓋後人轉寫改之耳

潛夫論班祿篇詩云鑒觀四方求民之瘼

案今本潛夫論瘼字作莫非是據下文更求民之瘼

足證上文引詩是作癘字也

蔡邕和熹鄧后論議求人之癘

說文繫傳按詩曰求民之瘼郭璞曰病東齊曰瘼

惟彼二國 惟此四國○左氏文四年傳詩云惟彼二國
其政不獲惟此四國爰究爰度

案毛詩作惟此二國惟彼四國與左傳所引詩文互
易又潛夫論引詩上下皆作惟此疑原本上句作惟
彼與左傳引詩文同後人轉寫依毛改彼字作此耳
其正不獲○毛詩箋正長獲得也

案釋文云政如字政教也鄭作正正長也

上帝耆之○毛詩箋耆老也

案毛傳訓耆爲惡王肅云惡桀紂之不德也鄭義與
毛異

憎其式郭乃勞西顧○毛詩釋文郭如字本又作廊脊本
又作睭又作勞並音眷同

案趙坦云羣經音義三作憎其式郭

上帝指之憎其式廊乃睭西顧此惟與度○潛夫論班祿
篇詩云上帝指之憎其式惡乃睭西顧此惟與度

案毛詩指作耆睭作眷度作宅王符所引據詩今文
與毛氏異又惡字乃廊之誤下文云乃用眷夸廊人

上帝憎之是潛夫論引詩文本作式廊也與度今本
仍作與宅惟宋本作度字今從之

乃瞻西顧○初學記一詩曰乃瞻西顧

迺眷西顧此惟予宅○漢書郊祀志下詩曰迺眷西顧此
惟予宅

漢書谷永傳詩云迺眷西顧此惟予宅

此惟予度○論衡初稟篇詩曰乃眷西顧此惟予度

案予與古書多相假借宅與度通漢書韋賢傳先后

茲度臣瓚注云古文宅度同

其留其翳○毛詩釋文爾本又作留韓詩云反草也

其鬻其殮○毛詩釋文鬻韓詩作殮殮因也因高填下也
其櫛其鬻○爾雅釋木注詩曰其櫛其鬻

案毛傳云木立死曰鬻自斃爲鬻與韓詩殮字文異
訓同填猶顛也說詳韓詩攷

攘之鬻之攘之捩之○毛詩釋文剔木或作鬻又作捩同
患夷載路○毛詩釋文串一本作患或云鄭音患

案正義云毛讀患爲串串習釋詁文鄭以詩本爲患
故不從毛是孔本詩作患字詳見鄭箋改字說

天立厥妃○毛詩釋文配本亦作妃音同

爾雅某氏注詩曰天立厥妃

唯此文王 莫其德音○左氏昭二十八年傳詩曰唯此文王帝度其心莫其德音

案毛詩正義云此云維此王季左傳言維此文王者經涉亂離師有異讀後人因卽存之不敢追改今王肅注及韓詩亦作文王是異讀之驗左傳樂記韓詩貊皆作莫釋詁云貊莫定也義俱爲定聲又相近讀非一師故字異也

〔中論務本篇〕詩陳文王之德曰惟此文王帝度其心

禮記樂記詩云莫其德音其德克明

〔史記樂書〕詩云莫其德音

貉其德音○毛詩釋文貉本作貆韓詩作莫云莫定也
剋長剋君○隸釋衛尉衡方碑剋長剋君

案克剋音義竝同集韻云克通作剋

王此大國○左氏昭二十八年傳詩曰王此大國

克順克俾俾于文王○禮記樂記詩云王此大邦克順克
俾俾于文王鄭注俾當爲比聲之誤也

史記樂書詩云克順克俾俾于文王

馳于孫子○漢書敘傳奕世載德馳于孫子

案毛詩作施于孫子施馳古今文之異

無然畔換○漢書敘傳注師古曰詩皇矣篇曰無然畔換

無然伴換○玉篇人部伴詩云無然伴換伴換猶跋扈也

案毛詩作畔援釋文引韓詩云畔援武強也

敢拒大邦○太平御覽一百六十四詩曰敢拒大邦

案毛詩拒作距

侵邠徂共○詩經考文古本阮作邠

案毛傳訓徂爲往邠箋云阮也徂也共也三國犯周而文王伐之正義引張融云魯詩之義以阮徂共皆爲國名是則出於舊說非鄭之創造鄭之所言非無深趣皇甫謐勤於考校亦據而用之

王赫斯怒○集韻五寔錫盡也詩云王赫斯怒鄭康成說

或作餽

案毛詩釋文斯毛如字此也鄭音賜盡也賜字疑亦當作餽

以遐徂莒以篤周祜○孟子梁惠王下篇詩云以遐徂莒以篤周祜以對于天下

案毛詩釋文按本亦作遐莒字毛詩作旅周祜上毛詩有于字盧文弼云宋本毛詩以篤周祜無于字詩經考文云古本有之

新序雜事三詩曰以篤周祜以對于天下

予懷而明德毋大聲以色毋長夏以革○墨子天志下詩

云帝謂文王予懷而明德毋大聲以色毋長髮以革

案毛詩明德上無而字毋皆作不下不識不知同

弗識弗知○新書君道篇詩曰弗識弗知順帝之則

淮南詮言訓詩曰弗識弗知順帝之則

同爾弟兄○後漢書伏湛傳詩曰同爾弟兄

案毛詩作兄弟伏湛所據齊詩之文也

與爾隆衡○毛詩釋文臨如字韓詩作隆

臨輜閑閑○說文繫傳輜陷陣車也从車童聲鋤曰詩臨

衡閑閑衛假借

攸職安安○毛詩釋文職又作職殺而獻其耳也字林云

截耳則作耳旁獻首則作首旁

是禰是禰○毛詩釋文類如字本或依說文作禰

爾雅釋天是禰是禰師祭也

崇墉屹屹○說文土部屹牆高貌詩曰崇墉屹屹从土乞

聲

崇墉屹屹○文選十一魯靈光殿賦注張載曰屹猶孽也

高大貌詩云崇墉屹屹

案毛詩作屹屹傳云屹屹猶言言也是亦訓爲高大

之貌文異而義並同

靈臺

白鳥鶴鶴○孟子梁惠王上篇詩云白鳥鶴鶴趙岐注云
鳥肥飽則鶴鶴而澤好

白鳥皤皤○新書禮篇詩曰白鳥皤皤

案君道篇引詩文同

白鳥雝雝○說文繫傳詩曰白鳥雝雝

案文選何晏景福殿賦雝雝白鳥李善注云雝與雝
音義同毛詩釋文引字林云鳥白肥澤曰雝鶴古字
作鵠見史記索隱

於似魚躍○新書禮篇詩曰於似魚躍

案君道篇引詩文同又孟子梁惠王篇引詩於似魚

躍音義云丁本物作例

巨業維樅○說文辛部業大版也所以飾縣鐘鼓捷業如鋸齒以白晝之象其鉏鉏相承也从辛从巾巾象版詩曰巨業維樅

案王氏詩攷引樂苑云文王樂名巨業字亦不作廣皆與毛詩文異

鼓鼓維鏞○毛詩釋文賁字亦作鼓

於論鼓鐘○毛詩釋文於音烏鄭如字論盧門反一云鄭音倫

於樂辟雍○說文繫傳通論於樂辟雍

案毛詩雅作鼙

鼙鼓鼗鼗○呂覽季夏紀注鼙皮可作鼓詩曰鼙鼓鼗鼗
案毛詩釋文逢埤蒼云鼓聲也字作鼗徐音豐鼗字
乃鼗之譌耳

鼙鼓洋洋○淮南時則訓注詩云鼙鼓洋洋
案洋洋字當亦鼗之譌說詳魯詩攷

鼙鼓蓬蓬○太平御覽五百八十二詩曰鼙鼓蓬蓬
鼙鼓奏工○楚詞注四詩曰鼙鼓奏工

鼙鼓奏功○呂覽達鬱篇注詩曰鼙鼓奏功

案毛詩釋文云鼓依字作鼓字亦作鼓

蒙叟奏公○白帖六十一詩曰蒙叟奏公

下武

世有哲王 世有哲王○毛詩釋文哲本又作哲又作詰
皆同

應侯慎德○荀子仲尼篇詩曰媚茲一人應侯慎德

淮南繆稱訓詩云媚茲一人應侯慎德

家語弟子篇詩曰媚茲一人應侯慎德

案漢書敘傳注引詩文同毛詩正義云順德定本作
慎德又集注亦作順疑定本誤然作慎德者自是三
家異文不得以爲誤也

昭哉來許○王氏詩攷漢碑昭哉來許

昭茲來御慎其祖武○續漢書祭祀志劉昭注詩曰昭茲來御慎其祖父

案詩攷載續漢書注引詩如此盧文弨曰案續漢志注載東觀漢紀引詩昭哉來御繩其祖武與此不同喬樅謂盧說亦未審攷續漢志注載東觀漢紀並無引詩語惟引謝沈書有大雅曰昭哉來御慎其祖武云云與詩攷所引文異疑詩攷茲字父字爲哉與武之聲誤也

文王有聲

吹求厥甯○說文欠部吹詮詞也从欠从日亦聲詩曰
吹求厥甯

案吹毛詩作邇說詳齊詩攷

既伐于密○王氏詩攷書大傳既伐于密

案盧文昭云今所傳大傳無此語殷傳西伯伐耆云

紂曰非予舉也崇侯也遂遣西伯伐崇亦不作密字

作邑於鄆○文選注上毛詩曰作邑於鄆潘安仁西征賦

案北史李業興傳云文王行周南之教以受命作邑

于鄆亦作鄆字

築城伊洳○毛詩釋文洳字又作洳韓詩云洳深池

案張參五經文字云洧字又作減見詩大雅減洧古
通用字說詳韓詩攷

築城伊匹○周禮大宗伯疏詩曰築城伊匹

案盧文弨以此爲詩異文今案此句乃賈公彥合詩
築城伊減作豐伊匹二句約舉之非異文也

匪亟其慾○毛詩釋文亟或作棘慾音欲本亦作欲

案孔氏正義本作匪棘其欲

匪革其猶肆追來孝○禮記禮器詩曰匪革其猶肆追來
孝鄭注革急也猶道也肆述也

案盧文弨云猶古通欲周禮小行人猶犯令者爲一

書大戴禮作欲聿毛詩作適後漢書李固傳亦作聿
追來孝與禮記同

鎬京辟雍○鹽鐵論繇役篇詩曰鎬京辟雍

說苑修文篇詩云鎬京辟雍

案毛詩作辟雍

自東自西○韓詩外傳四詩曰自東自西自南自北

案外傳五兩引詩亦然文與毛氏異

亡思不服○漢書孝平紀贊亡思不服

案毛詩作無思亡無古通

考卜惟王度是鎬京惟龜正之○禮記坊記詩曰考卜惟

王度是鎬京惟龜正之武王成之鄭注度謀也

案毛詩惟皆作維度作宅箋云宅居也與此義異

宅是鄙京○水經注十九詩曰宅是鄙京

武王豈不事貽厥孫謀以宴翼子○晏子春秋諫下詩曰

武王豈不事貽厥孫謀以宴翼子

列女傳八詩曰貽厥孫謀以燕翼子

後漢書班彪傳詩云貽厥孫謀以宴翼子

案文選注四十八又五十八又六十引詩詒並作貽

又大平御覽六十二五百十八五百十九引詩文同

事毛詩作仕傳云仕事也是仕卽事之假借燕宴古

通用釋文云孫謀王中毛如字鄭音遜

大雅生民之什

厥初生人○文選注上毛詩曰厥初生人

潘安仁西征賦

案此唐人避太宗諱改民字爲人也

時惟姜原○史記周本紀集解韓詩章句曰姜姓原字或

曰姜原諡號也

以袞無子○太平御覽五百二十九鄭記王權曰生民詩

曰克禋克祀以袞無子

案毛詩袞作弗傳云弗去也箋云弗之言袞也是弗

袞古今字之異又御覽五百廿四引作以拂無子

履帝武畎○爾雅釋訓履帝武敏釋文敏如字舍人本作

畝釋云古者姜嫄履天帝之迹於畝畝之中而生后稷
先生如牽○毛詩箋達羊子也

案釋文如達毛云生也鄭云羊子也說文云小羊也
又引沈云毛如字然則鄭君蓋讀達爲牽故以羊子
言之正義引說文云牽小羊也从羊大聲薛綜答韋
昭曰羊子初生達小名羔未成羊犢大曰羊長幼之
異名以羊子初生之易比后稷生之易也今攷說文
云牽讀若達同是牽達古音相似故鄭以達爲卽牽
字

說文繫傳羊部錯按詩曰誕彌厥月先生如牽今羊小

恙也

不圻不副○毛詩釋文不圻不副

案正義圻字作拆副字作塉

不塉不副○說文土部塉裂也詩曰不塉不副从土所聲
不圻不副無災無害○史記楚世家集解詩云不圻不副
無災無害

案災毛詩作畱白帖十八引毛詩亦作無災無害北
堂書鈔一引詩作無災無害

誕寘之幽巷○說文繫傳錯按詩曰誕寘之幽巷

案說文解字云𦣻陋也从𦣻聲𦣻猶文𦣻字𦣻篆

文韻从昌益

羊牛腓字之○太平御覽五十七詩曰羊牛腓字之

案詩經考文云牛羊古本作羊牛

鳥翼覆之○初學記七詩曰誕寘之寒冰鳥翼覆之

案毛詩作鳥覆翼之

實謂實訃○毛詩釋文覃本或作譚

實覃實吁○說文覃部音長味也从品臧省聲詩曰實覃

實吁

案說文重文覃云古文覃音云篆文覃省

誕實扶服○毛詩釋文音蒲又音符本亦作扶芻蒲北

反又音服本亦作服

克岐克嶸○說文口部嶸小兒有知也从口疑聲詩曰克岐克嶸

案嶸毛作疑傳云疑識也

莠之荏叔○毛詩釋文叔或作叔

莠之戎菽○周禮大宰疏生民詩曰莠之戎菽戎菽大豆后稷之所殖

禾穎穊穊○說文禾部穎禾末也从禾頃聲詩曰禾穎穊穊

案毛詩穎作役傳云役列也許所據詩蓋三家今文

𪔐𪔐𪔐𪔐○說文口部𪔐大笑也从口奉聲讀若詩曰𪔐
𪔐𪔐𪔐

案據說文則毛詩作𪔐𪔐乃古文之假借

𪔐𪔐𪔐𪔐○集韻一𪔐𪔐𪔐𪔐多寶貌詩𪔐𪔐𪔐𪔐通作𪔐
拂𪔐豐草○毛詩釋文𪔐韓詩作拂拂𪔐也

案弗卽去也說詳韓詩攷

𪔐房寶苞○讀詩記引崔集注作𪔐房寶苞

案方房古以音同通假書序乃遇汝鳩汝方史記殷
本紀作遇女鳩女房是其證也又詩大山旣方旣阜
箋云方房也謂孚甲始生而未合時也則義並通矣

惟蘄惟芑○隋書音樂志詩曰惟蘄惟芑

案毛詩釋文糜音門赤苗也爾雅作𦵏同郭亡偉反
赤梁粟也今爾雅釋草𦵏赤苗作𦵏字𦵏𦵏古通

亘之秬秠 亘之糜芑○毛詩釋文恒古鄧反本又作亘

案臧庸云正義曰定本作恒集注皆作亘字衆經音

義一又四又十二又廿二引詩並作亘

或舂或抗○儀禮有司徹注挑讀如或舂或抗之抗今文
挑作抗

周禮女舂抗注抗扞臼也詩云或舂或抗

或鍤或𠬪○說文臼部𠬪扞臼也从爪臼詩曰或鍤或𠬪

重文抗云𠂔或从手从宀又𠂔云𠂔或从白宀

案𠂔毛詩作掄抗禮古文作挑挑掄之相假借猶桃
愉佻偷之相假借也𠂔掄亦一聲之轉盧文弨曰釋
文云掄說文作𠂔弋紹反據此則上不應作或𠂔說
文𠂔乃誤字也

淅之澼澼○毛詩釋文叟叟字又作澼澼米聲也爾雅作
澼音同郭音驪

淅之澼澼烝之煇煇○爾雅釋訓澼澼淅也煇煇烝也樊
光注詩云淅之澼澼烝之煇煇

案爾雅釋文澼澼郭蘇刀反詩云淅之澼澼又毛詩

釋文浮如字氣也爾雅說文並作煇云烝也

說文火部煇烝也从火孚聲詩曰烝之煇煇

取牴以較○毛詩釋文牴都禮反牡羊也字亦作羝

案正義本作羝

其馨始升○毛詩釋文其香一本作馨

后稷兆祀○禮記表記詩云后稷兆祀

案兆毛詩作肇古文假借字也故箋以肇祀爲郊兆
之祀蓋用三家今文爲說

行葦

瞻彼行葦○百帖九十六瞻彼行葦牛羊勿踐履詩注言

周室忠厚

案毛詩作敦彼行葦傳云敦聚貌

維葉萋萋○毛詩釋文泥泥張揖作萋萋云葦盛也

維葉杞杞○文選注四詩曰維葉杞杞

左思蜀都賦

案盧文弨云潛夫論德化篇引詩作維葉握握當是

杞杞之譌

肆筵設机○楚詞注九筵席也詩曰肆筵設机

案毛詩作設席机字疑誤以下有授几有緝御也

或膳或炙○左傳成十三年正義詩曰或膳或炙

案膳毛詩作燔燔與膳通左傳與執燔焉燔亦作膳

加敔脾臄○毛詩箋以脾函爲加故謂之嘉正義曰定本
集注經皆作嘉箋以脾臄爲加故謂之嘉是爲嘉美之
加也

案阮氏校勘記云依此則正義本經當作加字然箋
以加訓嘉者詁訓之法也若經字作加則箋無庸云
故謂之加矣當以定本集注爲長

嘉穀脾臄○毛詩釋文臄字或作醪

案臄訓口次肉醪訓會飲酒作醪者同音假借字也

嘉肴脾臄○玉篇肉部臄口上阿也詩曰嘉肴脾臄

案文選注四十二引詩亦作嘉肴

舍矢既鈞○列女傳六詩曰敦弓既堅舍矢既鈞言射有法也

案此句上有四鐃既鈞句則當依毛詩作舍矢既均於義爲長

敦弓既磬○毛詩釋文既句說文作磬云張弓曰磬彫弓既磬○張衡東京賦彫弓既磬

案毛詩正義云敦與彫古今字之異又引二京賦曰彫弓既磬與句字雖異音義同

酌以大料○毛詩釋文斗字又作料

案說文料勺也徐曰料有柄形如北斗用以斟酌也

黃耆鮐背○藝文類聚十八毛詩曰黃耆鮐背以引以翼
案白帖六十引詩亦作鮐背毛詩台字卽鮐之消借
既醉

室家之壺○毛詩釋文壺苦本反毛廣也鄭捆紼也
說文口部商宮中道从口象宮垣道上之形詩曰室家
之壺

案壺字正義本作壺段玉裁云說文商从口象宮垣
也餘象道按上當是從東省從東者內言不出於閫
之意喬樞攷玉篇壺字入棗部棗棗也廣韵曰棗大
束是商字隸變爲壺從棗消取捆束堅緻之義故箋

云壺之言捆也室家先以相捆綴已乃及於天下

釐爾士女○列女傳二詩曰釐爾士女從以孫子

案毛詩作女士箋云女而有士行者

鳬鷺

鳬鷺在梁○說文鳥部鷺見屬从鳥嚴聲詩曰鳬鷺在梁

案段玉裁云梁字誤當作涇

爾肴既馨○太平御覽九百十九詩曰爾肴既馨

爾肴既嘉○太平御覽九百十九詩曰爾肴既嘉

公尸來燕醺醺○說文酉部醺醉也从酉熏聲詩曰公尸

來燕醺醺

案毛詩作公尸來止熏熏箋云燕七祀之尸於門戶之外不敢當王之燕禮故變言來止熏熏坐不安之意與許君義異

蕭炎芬芬○說文繫傳炎部蕭下鉛曰詩曰蕭炎芬芬

案今詩作燐卽蕭字之消

假樂

嘉樂○左氏文四年傳公賦嘉樂

案左傳襄二十六年又云晉侯賦嘉樂毛詩作假乃

古文之假借故傳卽訓假爲嘉

趙岐孟子注七詩大雅嘉樂之篇

嘉樂君子憲憲令德○禮記中庸詩曰嘉樂君子憲憲令德

案釋文云嘉詩作假音同正義云詩本文憲憲爲顯顯與此不同者齊魯韓詩與毛不同故也

隸釋緩氏校尉熊君碑嘉樂君子

保佑命之○禮記中庸詩曰保佑命之曰天中之

案毛詩作佑

穆穆煌煌○班固明堂詩穆穆煌煌

案毛詩煌作皇

且君且王○毛詩釋文且君且王一本且竝作宜字

案作且者毛詩古本也後漢書趙壹賦云且公且侯
子子孫孫又郭躬陳寵傳贊云施于孫子且公且卿
文法卽本此詩

不騫不忘○春秋繁露郊語篇詩云不騫不忘率山舊章
不憊不亡○說苑建本篇詩云不憊不亡率山舊章

案文選注二十三引毛詩作不憊不忘憊與憊同見
漢書集注憊與憊通見文選李善注說詳齊詩攷
帥由舊章○釋小黃門譙敏碑帥由舊章

案盧文弨云風俗通愆禮篇引詩率由舊章宋本率
字作帥

率由仇匹○春秋繁露楚莊王篇詩云率山仇匹

案仇匹毛詩作羣匹

不解于位民之攸暨○漢書五行志申之上詩曰不解于位民之攸暨

案毛詩釋文以匪解作音是其本作匪解于位今通志堂本仍作不臧庸云葉鈔釋文作匪懈又左傳哀五年引詩民之攸暨釋文本作攸暨

匪懈于位○詩經考文不解古本作匪懈

民之攸暨○爾雅釋詁某氏注詩曰民之攸暨

案毛詩暨作暨正義曰暨與暨古今字

公劉

迺裹糗糧○毛詩釋文餽字或作糗糧本亦作糧

乃裹糗糧○文選千令升晉紀總論詩曰乃裹糗糧

案文選注廿二引詩文同又白帖十四州四引詩同

乃裹餽糧○太平御覽七百四詩曰乃裹餽糧

思戡用光○孟子梁惠王下簋詩曰思戡用光

案戡毛詩作輯

思集用光○尚書無逸某氏傳思集用光

迺場迺疆○唐石經迺場迺疆

案釋文云場音亦唐石經作場誤也

而無永嘆○毛詩釋文歎字或作嘆

陟則在甌○毛詩釋文甌本又作𪔐

案正義本作𪔐阮氏按勘記云正義引釋山曰重𪔐
𪔐又引西京賦陵重𪔐是其本亦作甌字與釋文本
同唐石經以下出於又作本

迺覲于京○毛詩釋文迺覲古豆反

案今正義作乃覲唐石經乃作迺與釋文本同

既登乃展○毛詩釋文依毛如字鄭於豈反箋云或展字
案鄭箋云公劉既登堂負展而立阮氏按勘記曰此
箋易傳以依爲展之假借不云讀爲直於訓詁中改

其字以顯之也今攷釋文以箋云依或辰字是陸所據鄭箋有此語或轉寫脫佚耳

既登迺依○唐石經既登迺依
迺造其曹○唐石經迺造其曹

案釋文本作乃造

既景迺同○毛詩正義定本影皆爲景字

案據正義則孔所據本作影字阮氏校勘記曰影爲景之俗字論詳顏氏家訓當以定本爲長

于邠斯觀○白虎通京師篇詩曰篤公劉于邠斯觀

案觀毛詩作館館觀古通說詳魯詩攷

取礪取礪○毛詩釋文取厲本又作礪取鍛本又作礪

案詩經考文云古本作取礪取礪

芮隄之卽○漢書地理志本注詩芮隄雍州川也師古曰
隄讀與鞠同韓詩作芮隄

案據此是齊韓詩同作芮隄

汭坑之卽○周禮職方氏注汭在曲地詩大雅公劉曰汭
坑之卽

案毛詩釋文云芮木又作汭

汭鞠之卽○周禮釋文坑詩作鞠

案鞠今釋文正義本並作鞠徐鉉說文繫傳引詩作

泂鞠之卽

洞

可以饋饍○毛詩釋文饍由云反又作饋字書云一蒸米也爾雅饋饍飪也孫炎云蒸之曰饋均之曰饍郭云饍熟曰饍

說文食部饍酒食也从食喜聲詩曰可以饋饍重文飪云饍或从𧇗又𧇗云饍或从米

凱弟君子○禮記孔子別居詩曰凱弟君子民之父母愷悌君子○孝經廣至德章詩云愷悌君子民之父母管子輕重丁篇詩曰愷悌君子民之父母

荀子禮論詩云愷悌君子民之父母

呂覽不屈篇詩曰愷悌君子民之父母愷者大也悌者長也君子之德長且大者則爲民父母

賈子君道篇詩曰愷悌君子民之父母言聖王之德也說苑政理篇詩云愷悌君子民之父母未見子富而父母貧者也

愷弟君子○百虎迎我號篇詩曰愷弟君子民之父母

案毛詩作豈弟爾雅釋詁疏引詩豈作愷宋本說苑引詩愷作凱史記孝文紀後漢書章帝紀引詩並作愷悌趙坦云山左金石志後魏張猛龍碑亦作愷悌

臧庸云文選注九引詩亦作愷悌又後漢書章帝紀
注引詩作人之父母

卷阿

栗風自南○毛詩釋文栗風迴風也本亦作飄

案正義本作飄風

來遊來歌○列女傳六詩云來遊來歌以矢其音

案詩經考文云古本游作遊攷太平御覽五十六引
詩亦作遊字與列女傳合

伴與爾游矣○毛詩箋伴與自縱弛之意也

案毛傳云伴與廣大有文章也釋文伴音判徐音附

與音喚徐音換正義曰伴爲廣大與爲文章故孔晁
引孔子曰與乎其有文章伴乎其無涯際則毛當讀
爲伴與不得如徐音徐音自爲鄭讀也據此是鄭讀
伴與爲畔換與毛文義並異蓋用三家之說

嗣先公爾酋矣○爾雅釋詁注詩曰嗣先公爾酋矣

案毛詩作似先公酋矣傳云似嗣也此所引文異蓋
據舊注所引魯詩之文也

似先公適矣○毛詩正義曰適終釋詁文彼適作酋音義
同也

案阮氏校勘記云正義當本作酋終釋詁文彼酋作

適寫者亂之耳

以先公酋矣。○唐石經原刻似字作以

祓祿康矣。○爾雅釋詁注詩曰祓祿康矣

案毛詩作弗祿爾康矣此所引文異蓋亦據舊注魯

詩之文毛傳訓弗爲小箋云弗福也卽用三家訓義

有憑有翼。○毛詩釋文馮本又作憑

愷悌君子。○列女傳五詩曰愷悌君子四方爲則

案毛詩作豈弟

崑崙崑崙。○蔡邕上壽表詩曰崑崙崑崙

隸釋漢平都相蔣君碑崑崙崑崙。○又漢衛尉衡方碑

陽陽昂昂

案毛詩作卬卬爾雅釋訓同卬卬昂之消借字

衆經音義四詩曰陽陽昂昂

案衆經音義十三引詩文同

如珪如璋○荀子正名篇詩曰如珪如璋

案毛詩作如圭唐石經作如珪

蔡邕上書表詩曰如珪如璋

中論修本篇詩云如珪如璋令聞令望

案文選注四十二四十六引詩皆作珪又後漢書檀

敷傳注引詩文同

令問令望○毛詩釋文聞音問本亦作問

荀子正名篇詩曰令問令望

案文選注四十六四十七引詩文同

鳳凰于飛噦噦其羽○說苑奉使篇詩曰鳳凰于飛噦噦其羽

案唐石經鳳作皇說文翽下引詩正作皇字鳳者皇之俗體也噦噦毛詩作翽翽噦噦之假借

詩講王多吉士○毛詩釋文講於害反說文作講

說文言部講臣盡力之美也从言葛聲詩曰講講王多吉士

梧桐生矣於彼高岡鳳皇鳴矣於彼朝陽
萋萋斐斐嘒嘒
嘒嘒○論衡講瑞篇詩云梧桐生矣於彼高岡鳳皇鳴
矣於彼朝陽萋萋斐斐嘒嘒嘒嘒

案此所引梧桐生矣四句與毛詩次異初學記引此
四句與論衡同又嘒嘒毛詩作離離

雍雍嘒嘒萋萋斐斐○焦氏易林觀之謙雍雍嘒嘒萋萋
斐斐

案此二句亦與毛詩次異蓋三家師讀本有不同耳
詩經考文云古本作雍雍與易林合

民勞

迄可小康○漢書元帝紀詩不云虐民亦勞止迄可小康
案迄毛詩作汜

毋從詭隨○左氏昭二十年傳詩曰毋從詭隨以謹無良
案左傳釋文云毋本亦作無毛詩毋從作無縱

毋從詭隨○家語正論解詩曰毋從詭隨
以謹是良○潛夫論述赦篇毋縱詭隨以謹是良

案是字疑無之誤

慘不畏明○左氏昭二十年傳詩曰式遏寇虐慘不畏明
家語正論解詩曰式遏寇虐慘不畏明

案毛詩釋文慘本亦作憊曾也正義本作憊不畏明

瞽不畏明。○說文曰部瞽瞽也从目既聲詩曰瞽不畏明
採遠能邇。○毛詩釋文採音柔本亦作柔能徐云毛如字
鄭奴代反

案鄭箋能仰也釋文云仰檢字書未見所出廣雅云
如若也均也義音相似而字則異舊音如庶反義亡
難見鄭注尙書云能恣也與此不同正義曰尙書注
以能爲恣則此云仰也與恣同謂順適其意也今檢
集韻類篇並云仰均也據孔疏以仰爲順適則義當
訓若若即順也

以謹悵悵。○毛詩釋文悵音昏說文作悵云悵也

〔說文心部〕𢇛𢇛也从心民聲𢇛𢇛亂也从心奴聲詩曰以
謹𢇛𢇛

案段玉裁說文注云𢇛各本作𢇛今正民勞釋文曰
𢇛說文作𢇛舊本如是今本作說文作𢇛誤也

以謹謹𢇛○周禮大司徒疏毛詩曰以謹謹𢇛

案鄭箋云𢇛𢇛猶謹𢇛也此疏所云毛詩從箋所訓
改字也

毋縱詭隨○左氏文十年傳詩曰毋縱詭隨以謹罔極
以謹繼卷○毛詩釋文繼字或作卷
王用玉女○詩經考文古本欲作用

板

上帝版版。○文選注五十四。毛詩曰上帝版版。辨命論

案後漢書董卓傳論注引詩亦作版版

下民卒瘵。○毛詩釋文卒俾本又作瘵沈本作瘵

案爾雅釋詁瘵病也疏引詩亦作瘵字

下民卒瘵。○禮記緇衣詩云上帝板板下民卒瘵

案禮記釋文板作版又云卒直本亦作瘵是陸孔本

有不同也

下民瘵瘵。○韓詩外傳五詩曰上帝板板下民瘵瘵

案毛詩箋云天下之民盡病是以卒字訓盡與韓詩

文義並異

靡聖憲憲○廣韻二十四緩詩傳云憲憲無所依

案毛詩傳云管管無所依也廣韻所引詩傳作憲憲
當是三家今文毛古文作管卽憲字之假借

不實于豈○唐石經於作于

案葛本詩經同

猷之未遠○列女傳六詩云猷之未遠是用大諫

案毛詩猷作猶

是用大簡○左氏成八年詩曰猶之未遠是用大簡

案大簡詩作大諫杜預左傳注云簡諫也則簡卽諫

之古文假借字

無然咄咄○無然譚譚○說文口部咄多言也从口世聲
詩曰無然咄咄○又言部譚多言也从言世聲詩曰無
然譚譚

案咄譚字同許所引詩皆三家今文也毛詩作泄泄
乃古文之假借

詞之出矣○說文繫傳十部出詞之出矣从十耳聲徐鍇
曰此詩云詞之出矣民之繹矣今詩緝字註和集也故
從十

案玉篇廣韻並引說文緝辭之集也則說文緝下原

本當有辭之集也詩云六字蓋轉寫奪失之段氏說
文注云今毛詩作輯傳云輯和也許所衍蓋三家詩
辭之集矣○新序雜事三詩曰辭之集矣民之洽矣

民之協矣○左氏襄卅一年傳詩曰辭之輯矣民之協矣
列女傳六詩曰辭之輯矣民之協矣

案協洽音近而義亦同小雅正月詩洽比其鄰左傳
兩引皆作協比

辭之釋矣○毛詩釋文釋木亦作憚

案正義本作憚與陸本文異詩經考文云古本作憚
阮氏校勘記曰案古無憚字以釋爲之釋文是也

及爾同寮○毛詩釋文僚字又作寮

案盧文弨云左傳文七年荀林父賦板之三章亦作同寮趙坦云唐石經正作寮字

聽我放放○潛夫論明忠篇詩云我卽爾謀聽我放放
案放放毛詩作置置爾雅釋訓放放傲也正釋此詩
之訓與潛夫論引詩文同皆據魯詩也

勿用爲笑○荀子大略篇詩曰我言惟服勿用爲笑

案毛詩用作以

詢于芻蕘○鹽鐵論刺議篇詩曰先民有言詢于芻蕘
案後漢書列女傳注引作詢於芻蕘

老夫嚙嚙小子矯矯○尙書大傳注老夫嚙嚙小子矯矯
案嚙毛詩作灌爾雅釋訓作懼荀子非十二子篇嚙
嚙然而不知其所非也注以嚙嚙爲喧囂之貌謂爭
辯也矯毛詩作蹻列女傳引詩作矯矯古通用國
語晉語長魚矯左氏成十七年傳作長魚矯是其驗
也漢書薛宣朱博傳音義引呂靖曰矯毒蟲也今借
以爲矯字

老夫懼懼○爾雅釋訓懼懼憂無告也

案爾雅釋文云灌灌木或作懼是爾雅懼懼二字正
釋板詩老夫懼懼之訓

小子矯矯○列女傳三詩曰老夫灌灌小子矯矯
多將謫謫○爾雅釋訓謫謫謫謫崇譏惡也

案毛詩作煇煇郝懿行曰爾雅謫謫本亦作煇故釋
文謫謫下別出煇字是卽古本作煇之證陸德明不
察以爲本今無此字非也說詳魯詩攷

民之方唼呶○毛詩釋文殿說文作唼屎說文作呶
說文口部唼呶也从口念聲詩曰民之方唼呶又云呶
唼呶呶也从口尸聲

案爾雅釋訓殿屎呶也釋文云殿屎或作歛歛又作
懸脰說文作唼呶五經文字亦云屎說文作呶然則

說文作唵𠬞誤也段玉裁曰說文唵下當云唵𠬞𠬞也今本無唵者淺人以爲複字而刪之無𠬞者淺人所改也宜依全書通例補正𠬞下當云唵𠬞也从口伊省聲作𠬞者俗人妄改也以虫部𧈧字例之亦爲伊省聲

民之方殿𠬞○蔡邕和熹鄧后謚議入懷殿𠬞之聲

案殿或从口作𠬞或从心作懣𠬞或从言作訃或从欠作𠬞並音義同

民之方殿𠬞○詩經考文古本無之字

相亂茂資○說苑正理篇詩云相亂茂資曾莫惠我師

案相亂毛詩作喪亂

天之誘民如垣如篴○風俗通義六詩云天之誘民如垣如篴

案詩經考文云古本牖作誘下同太平御覽八百七引毛詩亦作天之誘民垣毛詩作垣

如璋如珪○虞世南北堂書鈔五詩曰如璋如珪

案詩經考文云古本圭作珪

誘民孔易○禮記樂記詩云誘民孔易

詩外傳五詩云誘民孔易

史記樂書詩云誘民孔易裴駰集解曰誘進也

民之多僻○毛詩釋文多僻匹亦反邪也

案正義本作多辟諸所引詩竝作僻字

文選張衡思元賦覽蒸民之多僻兮畏立辟以危身舊
注曰毛詩曰民之多僻無自立辟

文選稽康幽憤詩民之多僻政不由己

案文選張平子東京賦周姬之末政用多僻注亦引
詩作僻

家語子路初見篇詩曰民之多僻無自立辟

玉篇人部詩云民之多僻僻邪也

聚經音義九詩曰民之多僻箋云僻邪也

人之多僻○後漢書張衡傳注詩曰人之多僻無自立辟

案此民字作人避太宗諱而改也

介人維藩 太師維垣○毛詩箋介甲也太師三公也

案釋文云介鄭作介大師音泰注同

介人惟藩大師惟垣大邦惟屏大宗惟翰懷德惟甯子
惟城毋俾城壞毋獨斯畏○漢書諸侯王表詩載其志
曰介人惟藩大師惟垣大邦惟屏大宗惟翰懷德惟甯
宗子惟城毋俾城壞毋獨斯畏

案毛詩介作价惟俱作維毋俱作無盧文弨云漢書
王莽傳引亦作介人惟藩又爾雅釋詁注引同

荀子君道篇詩曰介人惟藩大師惟垣

左氏昭六年傳詩曰毋俾城壞毋獨斯畏

畏天之怒不敢戲豫○後漢書蔡邕傳詩云畏天之怒不敢戲豫

案毛詩畏作敬不作無下句同

不敢戲豫 不敢馳驅○左氏昭三十二年傳詩云敬天之怒不敢戲豫敬天之渝不敢馳驅

後漢書郎顗傳詩云敬天之怒不敢戲豫

案丁鴻傳引詩同又爾雅釋詁疏引亦作不敢戲豫敬天之威不敢驅馳○後漢書楊秉傳詩云敬天之威不

敢驅馳

案毛詩威作渝驅馳作馳驅文與此異

及爾游羨○毛詩釋文羨本或作衍

案正義本作衍

大雅蕩之什

盪盪上帝○爾雅釋訓盪盪僻也孫炎注盪盪法度廢壞之僻

案毛詩箋云蕩蕩法度廢壞之貌孫炎卽取鄭箋爲說是詩蕩蕩三家文有作盪盪者爾雅釋文云蕩蕩本或作盪盪

其命多僻○毛詩釋文辟又作僻

說苑至公篇詩云疾威上帝其命多僻言不公也

天命匪忱○說文心部忱誠也从心允聲詩曰天命匪忱案毛詩天生烝民其命匪謔字不作忱許所引詩據

三家今文也

浴爾殷商○文選注廿四毛詩曰浴爾殷商

潘安仁爲賈誼作贈陸機詩

案毛詩爾字作女

曾是彊圉○漢書敘傳曾是彊圉培克爲雄

案王氏詩攷所引如此盧文弨云今漢書敘傳下及注作強圉毛詩作彊禦傳云彊禦梁禦善也

曾是倍克○毛詩正義云定本培作倍倍卽培也

侯詛侯祝○侯作侯呪○毛詩釋文作本或作詛祝本或作呪非

案正義云作卽古詛字尙書無逸篇疏引詩作侯詛

咆焦於中國○文選注六詩云咆焦於中國

魏都賦舊注

咆哮于中國○說文繫傳口部咆下錯曰按詩云咆哮于

中國

案毛詩咆焦上有女字徐鍇說文繫傳引詩無女字與文選注合咆焦咆哮古今文之異

爾德不明呂亡陪亡卿不明爾德呂亡背亡仄○漢書五行志中之下詩云爾德不明呂亡陪亡卿不明爾德呂

亡背亡仄

案晉書五行志中引同惟仄字作側毛詩作不明爾德時無背無側爾德不明以無陪無卿與此所引文

吳班志載五行傳引詩云云蓋本齊詩也

以無倍無側○韓詩外傳五詩曰不明爾德以無倍無側
案王氏詩攷所引如此又外傳卷十引詩同今本改
從毛詩作時無背無側非是

以無培無艸○毛詩釋文陪本又作培

既誓爾止○毛詩釋文衛本又作誓

式號式譟○毛詩釋文呼崔本作譟

漢書敘傳班伯曰式號式譟大雅所已流連也

案此作譟字與崔本合說詳齊詩攷

或號或呼○毛詩釋文式一本作或號或呼

卑書作夜○毛詩釋文卑本亦作伴後皆同

案正義本作伴

如蜩如螳○百帖九十五詩云如蜩如螳

案毛詩螳作蟬

內蟲于中國○文選六劉涓子注詩曰內蟲于中國

案蟲毛詩作𧈧傳云𧈧怒也不醉而怒曰𧈧正義引

西京賦云巨靈𧈧以流河曲則𧈧者怒而目作氣

之貌故爲怒也集韻𧈧从三大三目或省作𧈧𧈧又

通作蟲玉篇云蟲負作力貌蟲負猶𧈧𧈧也

本寔先敗○列女傳七詩曰枝葉未有害本寔先敗

案毛詩作本實先撥

殷監不遠在夏后氏之世○漢書杜欽傳詩云殷監不遠在夏后氏之世

案毛詩監作鑒夏后下無氏字漢書劉向傳及谷永傳引詩並作殷監

近在夏后之世○國語周語下詩云殷鑒不遠近在夏后之世

案毛詩無近字盧文弨云宋明道二年本國語亦無近字

抑

懿戒○國語楚語衛武公作懿戒以自儆章昭注懿讀曰抑大雅抑之篇也

惟德之隅○漢書馮奉世傳贊詩稱抑抑威儀惟德之隅案惟毛詩作維漢書敘傳及東平憲王傳司並作惟惟德之隅○隸釋漢劉熊碑惟德之隅

案隅字卽隅之段借

靡詰不愚○靡慙不愚○毛詩釋文詰本又作哲亦作慙陟列反下同

案正義本作哲

文選注廿三詩曰靡詰不愚

無哲不愚○淮南人間訓詩曰人亦有言無哲不愚

有格德行○禮記緇衣詩云有格德行四國順之

案格毛詩作覺傳云覺直也爾雅釋詁格直也字異

而音義竝同

訐謨定命○毛詩釋文謨沈本亦作漢

說見前

遠猷辰告○韓詩外傳六詩曰訐謨定命遠猷辰告

案猷毛詩作猶

惟民之則○韓詩外傳六詩曰敬慎威儀惟民之則

案左傳襄三十一年引詩亦作惟毛詩作維

漢書匡衡傳詩大雅曰敬慎威儀惟民之則

案續漢書祭祀志注載東觀漢記引詩文同

荒湛于酒○韓詩外傳上詩曰荒湛于酒

案此據王氏詩攷所引今本外傳改作湛與毛詩同
荒沈于酒○漢書五行志谷永對曰詩曰荒沈于酒

女雖耽樂從○張衡西京賦耽樂是從

案耽毛詩作湛

女雖湛樂克從○唐石經女雖湛樂克從

案阮氏校勘記云唐石經樂下旁漆克字案漆者誤

毋淪胥以亡○詩經考文古本無作毋

洒掃庭內○毛詩釋文庭音庭

案正義本作庭唐石經初刻庭後改廷蓋依釋文本
灑掃庭內○韓詩外傳六詩曰夙興夜寐灑掃庭內

案太平御覽一百八十五引毛詩作洒掃內庭此轉
寫者誤倒之臧庸以爲異文非是

修爾與馬弓矢戈兵用戒作則川逃變方○潛夫論勸將
篇詩修爾與馬弓矢戈兵用戒作則川逃變方

案毛詩與作車戈作戎川戒作則作用戒戎作逃作
邊文並與此異說詳解詩攷

川逃變方○毛詩箋邊當作剔剔治也

案說文元部云邊古逃字影部云剔髮也皇矣詩

攘之剔之釋文云剔或作影剔古今字逃邊其假借也詳見鄭箋改字說

告爾民人○韓詩外傳六詩曰告爾民人謹爾侯度

案王氏詩攷引外傳作告今本仍同毛詩作質非

說苑修文篇詩云告爾民人謹爾侯度

詰爾民人○鹽鐵論世務篇詩云詰爾民人謹爾侯度

案諸所引俱作民人唐石經作人民蓋誤倒之郭璞

爾雅注引詩質爾民人卽毛詩句可爲確證也

慎爾侯度○左傳襄廿二年詩曰慎爾侯度用戒不虞

晉書傅亮傳詩曰慎爾侯度用戒不虞言防萌也

案慎毛詩作謹

白珪之玷猶可磨也○〔史記晉世家〕詩曰白珪之玷猶可磨也〔孔子弟子列傳〕三復白珪之玷

案毛詩珪作圭猶作尙

說苑說叢篇詩云白珪之玷尙可磨也

案文選注廿六引詩亦作珪字又太平御覽三百九十引同

白圭之剗○〔說文刀部〕剗缺也从刀占聲詩曰白圭之剗

案毛詩釋文玷缺也說文作剗玉篇云剗或作玷是

剗玷字同

毋曰苟矣○詩經考文古本無作毋

亡言不讐亡德不報○漢書王莽傳詩曰亡言不讐亡德
不報

無德不報無言不酬○後漢書明帝紀詩曰無德不報無
言不酬

案此引詩二句疑轉寫者誤倒之

無言而不讐無德而不報○墨子兼愛篇大雅之所道曰
無言而不讐無德而不報

無言不讐○列女傳五詩云無言不讐無德不報

無言不酬○韓詩外傳十詩曰無言不酬無德不報

案王氏詩攷引外傳作酬今本外傳仍同毛詩作儺
後人所改也

蔡邕太尉橋公廟碑無言不酬

無言不售○毛詩箋教令之出如賣物物善則其售賈貴
物惡則其售賈賤

案釋文儺市由反徐云鄭市又反售市又反一本作
儺謂儺物價也此音則與毛同是鄭箋售字或亦作
儺本有不同也正義云箋以用非儺之正訓且與報
德連文故以爲儺報物價則孔氏所據本作儺字矣
無言不訓○藝文類聚三十一詩曰無言不訓

案訓卽酬字見蒼頡篇

子孫承承○韓詩外傳六詩曰子孫承承萬民靡不承

案毛詩承承作繩繩說詳韓詩攷

子孫惓惓○爾雅釋訓惓惓戒也

案爾雅釋文繩繩本或作惓同食蒸反作惓者三家之異文也

萬民是不承○毛詩釋文靡不承一本靡作是

尙不媿于屋漏○毛詩釋文媿俱位反

案正義本作愧臧庸云唐石經宋本注疏宋本爾雅釋言注並作媿字

毛詩箋屋小帳也

案釋文屋如字或云鄭於角反鄭君訓屋爲小帳是讀屋爲幄字

毋曰不顯○詩經考文古本無作毋

矧可敦思○說文繫傳通論詩曰矧可敦思

案敦毛詩作射

不譽于儀○禮記緇衣詩云淑慎爾止不譽于儀

案警毛詩作愆說詳齊詩攷

不譖不賊○毛詩釋文不僭本亦作譖下我譖同

溫溫恭人○毛詩釋文恭本亦作共

告之詰言○毛詩釋文話戶快反說文作詰云詰故言也
案毛傳云詰言古之善言也與說文訓合則毛詩當
本作詰言故毛以古之善言爲訓作話者非

覆訓我譖○毛詩釋文僭本亦作譖

嗚呼小子○楚詞注序詩人怨王刺上曰嗚呼小子未知
臧否

文選注卅七詩曰嗚呼小子未知臧否諸葛孔明
出師表

案毛詩作於乎說詳韓詩攷

匪面命之言示之事匪口誨之言提其耳○說文繫傳曰
部石下詩曰匪面命之言示之事匪口誨之言提其耳

案毛詩匪手携之言示之事匪面命之言提其耳楚
金繫傳所引文異盧文弼以爲此或誤記耳又繫傳
魁下引詩作言提之耳亦與毛詩文異

藉曰未知○漢書霍光傳詩云藉曰未知亦旣抱子

案藉毛詩作借

誰夙知而暮成○毛詩釋文莫本亦作暮

案詩經考文云古本莫作暮

我心懔懔○五經文字我心懔懔

案阮氏校勘記云釋文本正義本皆作慘慘唐石經
同此以韻求之當作懔懔爲是

誨爾誡誡○毛詩釋文諄諄字又作誡

案爾雅釋訓誡誡亂也卽釋此詩之訓釋文云誡或

作諄音同

誨爾恇恇○禮記中庸注恇讀如誨爾恇恇之恇

案恇毛詩作諄說詳齊詩攷

誨爾純純聽我眊眊○尚書大傳洪範五行傳注誨爾純

純聽我眊眊

案純者誡之譌字眊者邈之假借說詳習詩攷

聽我邈邈○雅南修務訓注詩云誨爾諄諄聽我邈邈

案邈毛詩作貌爾雅釋訓邈邈闕也正釋此詩邈義

聽之藐藐○申論虛道篇詩曰誨爾諄諄聽之藐藐
匪爲川教○葛本詩經匪爲川教

案阮氏校勘記云唐石經小字本相臺本皆作匪用
爲教岡本明監本毛本川爲誤例與葛本同
取辟不遠○列女傳八詩曰取辟不遠昊天不貳

案毛詩辟作譬

桑柔

苑彼桑柔○毛詩釋文苑音鬱茂也

案今釋文仍同正義本作苑臧庸云宋版釋文作苑
其下候洊○爾雅釋言某氏注詩云其下候洊

案荆毛詩作旬卽荆之消借李巡云荆徧之均也

倉況填兮○毛詩釋文兄音況本亦作況

案詩經考文云古本兄作況

旃旒有偏○毛詩釋文有偏音篇本亦作翩

案正義本作翩字趙坦云國語周語下補音引詩作旃旒有偏與釋文同

具禍以盥○毛詩釋文盥才刃反災餘曰盥本亦作盥同
案正義本作盥字臧庸云葛本作具旣以盥

國步斯頽○說文目部頽張目也从目賓聲詩曰國步
斯頽

案嘖毛詩作頻傳云頻急也箋云頻比也許所引詩據三家之異文也

靡所止疑○毛詩正義疑音凝凝者安靖之義故爲定也案王氏詩攷引詩說云靡所止疑齊詩作凝

憂心殷殷○憂心隱隱○楚詞注十六詩云憂心殷殷○舊校云一作隱隱

案殷毛詩作慇爾雅作殷釋文云殷樊光讀於謹反郝懿行云此卽隱字之音說詳魯詩攷

逢天亶怒○毛詩釋文亶都但反厚也本亦作亶同案正義云亶亶音相近義亦同

孔棘我禦○毛詩箋國當作禦甚急矣我之禦寇之事

案毛傳訓圉爲垂正義引舍人爾雅注云圉拒邊垂也鄭箋訓與毛異蓋用三家之說

告女憂卹誨女序嚴孰能執執鮮不用翟○墨子尚賢篇詩云告女憂卹誨女序嚴孰能執執鮮不用翟

案毛詩女皆作爾嚴作爾孰作誰鮮作逝用作以墨子所引詩文與毛氏異

如彼愬風○文選注十三詩云如彼愬風

謝希逸月賦

案錢大昕曰袁宏賦感不絕于予心愬流風而獨寫正用此詩阮氏校勘記云唐石經初刻作愬後改作

迦李善注月賦引作惣當是三家異字石經誤用之耳亦所云字體乖師法也

亦孔之恣○說文繫傳恣也也乞咽也詩曰如彼迺風亦孔之恣向風而行則乞咽也

案恣毛詩作僂爾雅釋言僂也

迺云不逮 併云不逮○毛詩釋文非字又作迺音非耕反徐補耕反本或作併

案毛傳非使也正義曰非使釋詁文攷爾雅併使也郭注云見詩邢疏曰大雅桑柔云非云不逮併非音義同迺字亦以音近迺假集韻迺音非與侔同使也

好是家嗇○毛詩釋文家王中毛音駕謂稼穡也鄭作家
調居家也下句家稿惟寶同稿本亦作嗇音色王中毛
謂收穡也鄭云各嗇也詩鄭家嗇二字本皆無禾者下
稼穡卒痒始從禾

案正義云箋不言稼當爲家則所授之本先作家字
也是孔氏亦以鄭君本作家嗇與陸氏語同

家嗇惟寶

見上

威我立王○唐石經初刻作威後改從滅

案阮氏校勘記云初刻作威誤也

降此蚩賊○毛詩釋文蚩說文作蚩

案慎毛詩作順陸所引或據韓詩之文

自獨卑臧○百覽知度篇注詩云惟彼不順自獨卑臧
淮南子論訓注譬毀行人自獨卑臧

案毛詩卑作俾

自有肺腸○毛詩釋文肺本作脯芳廢反

案集韻脯音甫金藏也本作肺

朋友已僭○毛詩釋文譌本亦作僭

胡此畏忌○漢書賈山傳詩曰匪言不能胡此畏忌

案此毛詩作斯

泰風有隧○爾雅釋天注詩曰泰風有隧

案泰毛詩作大

泰風有遂○初學記一詩曰泰風有遂

泰風有墜○太平御覽九詩曰泰風有墜

惟彼不順往以中垢○韓詩外傳五詩曰惟彼不順往以

中垢闕行也

案往毛詩作征中垢今本外傳作蟲垢誤此據王氏

詩攷所引

大風有遂○潛夫論過利篇言是大風也必將有遂是貧

民也必將敗其類

案毛詩遂作隧

聽言則對譖言則退○漢書賈山傳詩曰聽言則對譖言則退

案顏師古注云今詩本云聽言則對譖言如醉說者又別爲義與此不同喬樞謂此二句自是雨無正詩文賈山川魯詩魯說以桑柔與雨無正均爲刺厲王之詩故與匪言不能二句類舉之非桑柔之異文也說詳魯詩攷

反予來嚇○毛詩箋口距人謂之嚇

案釋文赫毛許白反炙也與王赫斯怒同義本亦作嚇鄭許嫁反口距人也莊子云以梁國嚇我是也臧

庸云衆經音義三引詩並作嚇字又司馬光太元集注引詩作反予來嚇與釋文亦作木合

職諒善背○毛詩箋諒信也

案釋文涼毛音良薄也鄭音亮信也下同

諒曰不可○唐石經涼作諒

案詩經考文云古本職涼與涼曰皆作諒字

雲漢

劉彼雲漢○北堂書鈔天部韓詩曰劉彼雲漢注曰宣王遭旱仰天也

案對字乃劉之譌小雅甫田篇俾彼甫田釋文云俾

韓詩作剡剡卓也此詩毛作倬彼雲漢知韓詩亦作剡字也說詳韓詩攷

昭曰於天 王曰嗚呼 飢饉荐臻○春秋繁露郊祀篇時曰倬彼雲漢昭曰於天王曰嗚呼何辜今之人天降喪亂飢饉荐臻

案據王氏詩攷引春秋繁露如此今本春秋繁露於作于嗚呼作嗚乎飢作饑與詩攷所引文異毛詩於亦作于嗚呼作於乎飢作饑荐作薦與董子所引亦異是古今文本有不同也

藝文類聚一五詩曰饑饉荐臻

案爾雅仍餓爲荐釋文云荐本作薦

珪璧既卒○春秋繁露郊祀篇詩曰珪璧既卒

案毛詩珪作圭考文云古本作珪

鬱隆炯炯○毛詩釋文蘊韓詩作鬱蟲蟲韓詩作炯炯

韓詩傳曰炯謂煌草傳火盛也

華嚴經音義下

案傳火當是傳火之譌蘊鬱雙聲故通用集韻蟲本作炯是蟲炯字同埤蒼云炯炯熱貌也說詳韓詩攷

溫隆蟲蟲○毛詩釋文蘊本又作溫

溫隆蟲蟲○毛詩正義以溫字定本作蘊

蘊隆蟲蟲○爾雅釋訓蟲蟲熏也郭注旱熱熏炙人

案毛詩蠹蟲卽蠹蟲之消借

后稷不刻○毛詩箋克當作刻刻識也

案釋名釋言語云克刻也詳見鄭箋改字說

耗殫下土○毛詩釋文殫說文字林皆作殫

耗射下土○春秋繁露郊祀篇詩曰耗射下土

耗斲下土○玉篇禾部耗敗也詩云耗斲下土

案耗卽耗之俗體毛詩釋文引韓詩云耗惡也說詳

韓詩攷斲射古字通用

矜矜業業○毛詩釋文疏本又作矜

維周黎民○論衡藝增篇詩云維周黎民靡有孑遺

案論衡治期篇引詩仍作周餘黎氏與毛詩同

胡不相畏○毛詩釋文相毛如字鄭息亮反

案陸以鄭箋訓相爲助與毛公異讀正義申毛卽用鄭箋之義是孔意謂毛鄭訓同也

先祖于嗟○毛詩箋推當作嗟嗟也

案毛傳訓摧爲至陳旼源曰箋云先祖之神于嗟乎告困之辭如箋說則經文于字當讀爲吁也

赫赫煖煖○毛詩釋文炎如連反本或作煖音同

案詩經考文云古本作煖煖毛傳云炎炎熱氣也則作煖者假借字也爾雅釋訓亦作炎炎

薇薇山川○說文艸部薇草旱盡也从艸似聲詩曰薇薇
山川

薇薇山川○玉篇艸部詩云旱既太甚薇薇山川

案薇薇毛詩作漦漦玉篇薇下云本亦作漦疑薇爲
薇之譌字說文及玉篇所引詩皆三家異文也

如憐如焚○毛詩釋文焚本又作焚同扶云反

案焚字各本譌作樊攷說文樊燒田也當作焚爲是
盧文弨云小字本所附是樊字

如炎如焚○後漢書章帝紀今時復旱如炎如焚章懷注
曰韓詩旱魃爲虐如炎如焚

案炎毛詩作憺正義曰定本經中作如憺如焚是正義所據本作如炎矣藝文類聚一百引詩亦作如炎我心癉暑○百帖四詩我心癉暑

案癉毛詩作憺傳云憺勞也是讀憺爲癉箋云憺畏也是讀如字與毛義異

憂心如燠○毛詩釋文熏本又作燠

案今本熏字作蕙非是唐石經作熏小字本相臺本閩本同詩經考文云古本作蕙宋板同

南俾我遂○毛詩釋文逌本亦遂

案說文遂古文通字通亦作逌

密勿畏去○後漢書蔡邕傳邕王邈早密勿祇畏

案毛詩作匪勉畏去匪勉三家今文多作密勿

胡曾疹我以旱○毛詩釋文瘕瘕詩作疹云重也

案爾雅釋言疹重也疹與疹音同義通疹猶文疹字

方社不群○毛詩釋文莫本亦作群

敬恭明祀○毛詩釋文明祀本或作明神

案今正義本作明神文選東京賦爰敬恭於明神李

善注引詩同惟卷二十四注引作明祀隸釋載西嶽

華山亭碑亦作明祀

穴哉冢宰 究哉冢宰○毛詩釋文疾本或作穴又作究

案說文灾貧病也引詩烝烝在灾今毛詩作在疾是
疾灾字通又究訓窮也與灾義亦相近

靡人不凋○毛詩箋周當作凋

案衆經音義八九兩卷引詩並作凋從鄭箋本也

瞻仰昊天○毛詩釋文仰音仰本亦作仰下同

案詩經考文云古本作仰下並同

云如何瘼○云如何惺○毛詩釋文里如字憂也本又作
瘼爾雅作惺並同王云瘼病也

案爾雅惺憂也毛傳以憂釋里是讀里爲惺之假借
有譏其聲○說文言部譏聲也从言歲聲詩曰有譏其聲

案毛詩作有嘒其聲許君所引文與毛詩異據三家
今文也

崧高

惟嶽○毛詩釋文嶽字亦作嶽

崧高惟嶽峻極于天惟嶽降神生甫及申○禮記孔子問
是詩曰崧高惟嶽峻極于天惟嶽降神生甫及申注云
言周道將興五嶽爲之生賢輔佐仲山甫及申伯

案毛詩崧作崧峻作駿惟作維傳以甫爲甫侯卽呂
侯也說與此異盧文弨曰今本禮記惟亦或作維

公羊傳定四年注詩曰崧高惟嶽峻極于天

風俗通義上中央曰嵩高嵩者高也詩云嵩高惟嶽峻極于天

案藝文類聚七太平御覽三十九引詩文同

嵩高惟岳峻極于天惟岳降神○初學記五詩曰嵩高惟岳峻極于天惟岳降神生甫及申

案白帖五引詩嵩高維岳又引詩作嵩高維嶽又兩引峻極于天句又文選注五十九引亦作峻

後漢書禰衡傳孔融疏曰惟岳降神異人並出
永經注江水二詩曰惟岳降神

案文選注三十七引詩文同

爲周之翰○禮記孔子閒居詩曰惟申及甫爲周之翰

案毛詩爲作維

唯周之翰○家語問玉篇詩曰惟申及甫唯周之翰

四國于藩○詩經考文著古本作藩

王踐之事○毛詩釋文續韓詩作踐踐任也

王薦之事于邑于序南國爲式○潛夫論志氏姓篇詩曰

嘒嘒申伯王薦之事于邑于序南國爲式

案潛夫論三式篇引詩薦作續序作謝爲作是仍與

毛詩同疑後人依毛詩改之續踐薦皆以音近通假

禮記中庸踐其位鄭注云踐或爲續是古通之證薦

字訓仍與續字訓繼義亦相近序謝古亦通用儀禮
鄉射禮今文序則鉤楹內鄭注讀如成周宣榭之榭
廣韻亦云古者序榭同

以作爾埔○毛詩釋文庸本亦作埔

案毛傳庸城也鄭箋庸功也是毛以庸爲埔之假借
有倂其城○毛詩釋文倂本又作倂

錫爾玠珪○爾雅釋器珪尺二寸謂之玠郭注詩曰錫爾
玠珪

錫爾介珪○太平御覽八百一詩曰錫爾介珪

案御覽八百六引詩文同毛詩作介圭

往近王舅○毛詩箋近辭也聲如彼記之子之記

案孔氏正義本近作近毛居正六經正誤云近說文作𪔐从耳从辵今作近音記譌作近喬樞攷釋文云近音記是陸本當作近字今釋文近亦作近後人傳寫誤耳詳見鄭箋改字說

申伯旋南○詩經考文古本還作旋

以時其糗○毛詩釋文時如字本又作時直紀反兩通

案正義本作時

既入于徐○楚詞注十三徐申伯所封也詩曰申伯番番
既入于徐

案徐毛詩作謝說詳魯詩攷

柔此萬邦○毛詩釋文掾本亦作柔

蒸民

天生蒸民 民之秉夷○孟子告子上詩曰天生蒸民有

物有則民之秉夷好是懿德

潛夫論德化篇詩云民之秉夷好是懿德

案蒸毛詩作蒸夷毛詩作彝白虎通姓名篇衆經音

義七引詩並作蒸民

天臨有周○詩經考文古本監作臨

案說文監臨下也監字从臨省故義並通

生中山甫○漢書古今人表作中山甫

案中毛詩作仲

故訓是式○列女傳二詩云故訓是式威儀是力

案毛詩作古訓傳云古故也

赫赫王命○毛詩釋文納亦作內音同

赫赫王命○後漢郎顗傳詩云赫赫王命仲山甫將之

案赫赫毛詩作肅肅

既明且知○禮記中庸詩曰既明且知以保其身

案禮記釋文云且哲徐本作且知揚子方言哲知也

既明且誥○隸續丹陽太守郭緡碑既明且誥

案諧古文哲字見玉篇字亦作嘉又作諧竝同

夙夜匪懈○說苑立節篇詩云夙夜匪懈以事一人

案懈毛詩作解古文消借字也

惟仲山甫劄亦不吐柔亦不茹○漢書薛宣傳注師古曰
大雅蒸人之時云惟仲山甫劄亦不吐柔亦不茹言其
平正也

左氏文十年傳詩曰劄亦不吐柔亦不茹

案毛詩作柔亦不茹劄亦不吐考蔡中郎集司空房
植碑云剛則不吐柔則不茹亦上下句互易與左傳
引同師古漢書注云云蓋據舊注所引三家詩之文

也惟毛詩作維

不侮鰥寡○左氏昭元年傳詩曰不侮鰥寡不畏彊禦

案鰥毛詩作矜新序雜事四引詩亦作鰥與左傳同
不畏彊圍○漢書王莽傳詩曰不侮鰥寡不畏彊圍

案圍毛詩作禦蔡邕集范史雲碑亦作不畏彊禦

不辟彊禦○國策秦策高誘注不辟彊禦不侮鰥寡

案辟毛詩作畏高註疑亦三家之異文

我義圖之○毛詩釋文義毛如字宜也鄭作儀儀匹也

案阮氏校勘記云釋文正義二本皆作義鄭以義爲
儀之假借耳未嘗改爲儀也唐石經乃竟作儀字誤

唯仲山甫補之○左氏宣二年傳詩曰袞職有闕唯仲山

甫補之

案唯毛詩作維臧庸云白帖十二又卅九引俱作惟
仲山甫補之○後漢書朱暉傳注詩曰袞職有闕仲山甫
補之

案楊賜傳注引詩同俱無惟字

征夫僊僊○玉篇人部詩云征夫僊僊僊僊樂事也

案僊僊毛詩作捷捷捷捷古通說詳巷伯篇

四牡騤騤○說文馬部騤馬盛也入馬旁聲詩曰四牡騤
騤

四牡駉駉○說文馬部駉馬盛肥也从馬光聲詩曰四牡駉駉

案毛詩作四牡彭彭許所傳詩據三家今文也段玉裁說文解字注云小雅北山四牡彭彭傳曰彭彭然不得息大雅蒸民四牡彭彭箋云彭彭行貌大明四駉彭彭箋云馬強疑皆非許所稱鄭風清人駉介旁旁蓋許稱此而駉介轉寫作四牡耳許所據旁作駉毛傳本有駉駉盛貌之語後逸之喬樅謂段說非也彭旁古音同在十部得相通假說文示部𣎵門內祭先祖所𣎵皇也从示彭聲詩曰祝祭于𣎵重文初云

繫或从方方與彭古音同部也可爲此詩彭騁古通之明證又二部云旁薄也从二闕方聲旁从方聲故今文尙書旁字古文尙書作方據彙字之或作初可知彭字之或作騁必爲三家今文無疑騁者正字彭者古文同音假借字也如段氏說既改說文馬盛也爲馬盛貌又改詩四牡爲駟介且增騁騁盛貌四字以爲毛傳本有此語轉寫者逸之未免勇於自信矣惟於騁下引詩四牡騁騁據陸德明釋文有駟說文作騁語訓陸所見說文作騁騁牡馬卽魯頌之駟駟牡馬也其說近是王氏詩攷以四牡騁騁亦爲四牡

彭彭之異文恐未必然徐鍇說文繫傳駢下有今詩作彭之語王氏蓋沿其誤耳

八鸞將將○毛詩釋文將將七羊反本亦作鏘同

案正義本作鏘鏘

仲山甫征齊○詩經考文古本徂作征

吉父作誦○文選注廿四詩曰吉父作誦張茂先答何劭詩

案毛詩作吉甫

穆若清風○白帖八十八詩曰穆若清風

案若毛詩作如

仲山父永懷○文選注廿三詩曰仲山父永懷阮嗣宗咏懷詩

案文選注廿九引詩市亦作父

韓奕

維禹陬之○周禮稍人注句讀如維禹陬之之陬

案信南山亦有此句周禮釋文讀句爲繩證反與陬同音此詩釋文云句之毛徒遍反鄭繩證反繩證反卽陬之音讀知鄭箋亦讀句字爲陬也

有暉其道○毛詩釋文倬陟角反明貌韓詩作暉音義同案廣雅釋詁云暉明也義卽本韓詩說詳韓詩攷

纂我祖考○百帖五十纂我祖考

案毛詩作續戎祖考傳云戎大也箋云戎女也臧庸

以白帖所引卽此詩之異文喬樅謂我字蓋戎之譌

夙夜匪懈○詩經考文古本解作懈

虔恭爾位○毛詩箋古之恭字或作共

案毛傳云共執也正義以傳讀共爲拱釋文云共毛

九勇反鄭音恭云古恭字鄭君蓋從三家今文也

以其介珪○太平御覽八百六詩曰以其介珪

案珪毛詩作圭

王賜韓侯○周禮樞人注詩曰王賜韓侯

案賜毛詩作錫

淑旂綏章○毛詩釋文綏本亦作綏

案綏說文訓爲糸冠纓與綏義別古以音近通假

鈎磨鏤錫○說文金部錫馬頭飾也从金陽聲詩曰鈎磨

鏤錫

案錫毛詩作錫錫卽錫之省文

輶軋淺箴○毛詩釋文輶亦作軋軋並三同輶本又作箴

案玉篇草部輶軋中輶也軋輶同集韻輶亦作軋軋

顯甫餞之○毛詩釋文顯父本亦作甫

藝文類聚五詩曰顯甫餞之

其肴惟何○毛詩釋文肴本亦作𩚑

藝文類聚五詩曰其肴惟何

案正義本什殺

其鸞惟何惟葦及蒲○說文彌部鸞鼎實惟葦及蒲

案鸞毛詩作蔽段氏說文解字注云此有奪當云鼎實也詩云其鸞惟何惟葦及蒲笱作葦者三家詩也

其簋伊何○太平御覽九百七十六詩曰其簋伊何

維笱及蒲○毛詩釋文笱字或作筍

韓侯娶妻○毛詩釋文取本亦作娶

八鸞將將○毛詩釋文將本亦作鏘

姪娣從之○白虎通嫁娶篇詩曰姪娣從之祁祁如雲

案姪娣毛詩作諸娣二家今文與毛氏異

川澤潄潄○太平御覽三十七詩曰川澤潄潄

案潄潄毛詩作訏訏御覽所引採摭三家異文也

魴鰕訏訏○易林離之中孚魴鰕訏訏

案訏訏毛詩作甫甫訏甫並訏爲大是音近義同

麇鹿麇麇○毛詩釋文麇本亦作麇

普彼韓城○潛夫論志氏姓篇詩曰普彼韓城

案普毛詩作溲

其追其貉○毛詩釋文貉說文作貉云北方人也

案五經文字云貉經典相承作蠻貉

拖受北國○詩經考文古本作拖

案掩有撫義毛傳云奄撫也是讀奄爲掩字

寔塘寔壑寔畎寔籍○毛詩箋實當作寔趙魏之間實寔同聲寔是也

案釋文云實毛如字鄭作寔詳見鄭箋改字說

獻其貍皮○毛詩釋文貍本亦作貍音毗卽白狐也

案詩經考文古本作貍貍者貍之或體見說文豸部

江漢

江漢陶陶○風俗通山澤篇詩云江漢陶陶

案陶陶毛詩作浮浮說詳魯詩攷

匪安匪游○後漢書東夷傳注詩曰匪安匪游

案游毛詩作遊

淮夷來痛○爾雅釋詁痛病也

案毛傳鋪病也正義曰釋詁文彼鋪作痛音義同釋文曰鋪普吳反徐音孚孚者痛字之音徐從三家今文讀鋪爲痛卷耳詩我僕痲矣釋文痛本又作鋪同是痲爲正字鋪爲古文假借字也

武夫橫橫○爾雅釋訓橫橫武也

案爾雅釋文云洸洸舍人本作橫音同說詳魯詩攷古文苑班固北征頌注詩云武夫橫橫音光武勇貌案舞陽侯樊噲贊注引詩文同

武夫潢潢○鹽鐵論繇役篇詩云武夫潢潢經營四方

案潢潢毛詩作洸洸說詳齊詩攷

王命邵虎○文選注三十七詩曰王命邵虎
曹子建求試表

案邵毛詩作召

徹我土疆○後漢書東夷傳注詩曰徹我土疆

案土疆毛詩作疆土

來旬來宣○毛詩箋來勤也旬當作營



案釋文來毛如字鄭音資旬毛音巡鄭作營旬營古

書多相通假詳見鄭箋改字說

肇敏戎功○後漢書宋宏傳詩不云乎肇敏戎功

案周舉傳引詩文同功毛詩作公

秬鬯一攸○〔毛詩釋文〕卣本又作攸

案卣古文作攸古文作形近音同故得通假周禮鬯人廟用修鄭注修讀曰卣修字從攸亦得假借爲卣字

錫之山川土田附庸○〔毛詩釋文〕錫山土田本或作錫之山川土田附庸者是因魯頌之文妄加也

案毛傳云諸侯有大功德賜之名山土田附庸正義曰此經無附庸傳云附庸者以土田卽是附庸定本集注毛傳皆有附庸二字然則後人妄加經文爲錫

之山川土田附庸者蓋因傳有附庸二字而驛入耳
令問不已。家語問王篇詩云明明天子令問不已

案問毛詩作聞

弛其文德協此四國。禮記孔子閒居詩云弛其文德協
此四國

案毛詩弛作矢協作洽說詳齊詩攷

春秋繁露竹林篇詩云弛其文德洽此四國

施其文德。禮記釋文弛皇作施又注弛施也皇本作施
布也

案施弛矢皆一聲之轉毛傳云矢施也釋文云施如

字爾雅作弛式氏反

常武

赫赫明明○毛詩釋文赫字又作𤇀

案𤇀字玉篇云火色也集韻云本作赫或作𤇀亦作

𤇀是三者字同

南中大祖○漢書古今人表作南中

案中毛詩作仲

既儆既戒○周禮夏官序官注詩曰既儆既戒

案儆毛詩作敬箋云敬之言警也警儆字同

徐方驛騷○毛詩義經當作驛

案釋文云釋音亦鄭作驛音同調傳驛也坰詩以車

繹繹釋文載崔本作驛驛是繹驛古通之證

而震而怒○毛詩釋文一本此兩如字皆作而

闕如哮虎○風俗通二詩美南仲闕如哮虎

案哮毛詩作虓說詳魯詩攷

噉如虓虎○文選注入毛詩曰噉如虓虎

揚子雲羽獵賦

案說文繫傳噉下錯曰詩曰進厥虎臣噉如哮虎近

此義也噉字攷玉篇同啖當作噉爲近噉玉篇云叫

噉怒也

敷敦淮濱○毛詩釋文鋪韓詩作敷云大也

後漢書馮緄傳詩不云乎敷敦淮漬仍執醜膚

案後漢書班固傳注云敦猶迫逼也詩曰敷敦淮漬章懷所引是據韓詩之文與馮緄傳合

鋪屯淮漬○毛詩箋敦當作屯

案釋文云敦王申毛如字厚也韓詩云迫也鄭作屯喬樅謂屯猶頓也敦亦頓也王以敦訓厚未得毛旨敦彼淮漬○說文水部漬水厓也从水賣聲詩曰敦彼淮漬

案許君所傳詩作敦彼蓋亦三家之異文
仍執醜膚○毛詩釋文仍如字就也本或作仍

案仍仍音義並同

王師驪驪○漢書敘傳王師驪驪

案此卽王旅嘽嘽之異文說詳齊詩攷

民民翼翼○毛詩釋文綿如字覲也韓詩作民民同

案今外傳本仍同毛詩作綿綿誤當據釋文改正民
綿以雙聲假借說詳韓詩攷

王猷允塞徐方其來○荀子議兵篇詩云王猷允塞徐方
其來

案荀子君道篇亦引此詩二語其來仍作旣來與毛
詩同又新序雜事四漢書嚴助傳引詩猶皆作猷又

文選注五十六引詩同

韓詩外傳六詩曰王猷允塞徐方既來

徐方既徠○漢書景武昭宣元成功臣表詩云徐方既徠
案徠毛詩作來

王曰旋歸○詩經考文古本還作旋

瞻卬

瞻卬昊天○詩經考文古本作瞻仰

案釋文云卬音仰鄭箋仰視幽王爲政正作仰字

蟬賊蟬疾○毛詩釋文蟬本又作螽

女反脫之○潛夫論述赦篇詩刺彼宜有罪女反脫之

案後漢書王符傳引詩同反脫毛詩作覆說說脫古
今字之異釋文云說一音他活反

詰夫成城○毛詩釋文詰音哲本亦作哲

案詰者哲之古文正義本作哲

懿厥悲婦○漢書谷永傳詩云懿厥悲婦爲梟爲鴟

案悲毛詩作哲說詳魯詩攷

列女傳七詩曰懿厥悲婦

婦爲長舌惟厲之階○天戴禮本命注詩云婦爲長舌惟
厲之階

案毛詩爲作有惟作維

匪降自天○漢書谷永傳詩云匪降自天生自婦人

案毛詩作亂匪降自天列女傳七引詩亦有亂字

時惟婦寺○列女傳七詩曰匪教匪誨時惟婦寺

案惟毛詩作維

籀人伎忒○說文人部伎與也从人支聲詩曰籀人伎忒

案毛詩籀作鞠伎作忒廣韻五寘伎傷害也詩云鞠

人伎忒亦與說文同作伎字

僭始竟背○毛詩釋文譜本又作僭

胡爲媿○文選神女賦注韓詩曰媿悅也

案媿毛詩作慙箋云慙惡也與韓義異說詳韓詩攷

婦無功事○百帖入詩云婦無功事休其蠶織

案白帖八十二引詩仍作婦無公事與毛詩同又臧庸以白帖引作休其蠶織爲三家異文喬樅謂職字乃織之譌白帖八引作蠶織不誤

含爾介遯○集韻廿三錫遯說文云遯也詩曰含爾介遯案毛詩釋文狄毛他歷反遯也鄭如字謂夷狄許所引詩作遯知毛公以狄字爲遯之假借也

邦國殄賴○漢書王莽傳詩曰人之云亡邦國殄賴

案賴毛詩作瘳

甯自全矣○列女傳八詩曰心之憂矣甯自全矣

案全毛詩作今

無忝爾祖式救爾訛○列女傳三詩曰無忝爾祖式救爾

訛

案爾祖毛詩作皇祖爾訛毛詩作爾後列女傳所用據魯詩之文也

召緝

我居御卒荒○韓詩外傳八詩曰我居御卒荒

案御毛詩作圉

浩浩訛訛○爾雅釋訓浩浩刺素食也

案爾雅釋文皐皐樊本作浩浩皐浩聲相近皐者毛

詩古文浩者三家今文也

草不榮茂○毛詩箋潰茂之潰當作榮榮茂貌

案班固幽通賦枝葉榮而薿茂卽本此詩與鄭箋攷讀合知鄭君是據三家今文也說詳齊詩攷

如彼棲柎○聚經音義廿五詩云如彼棲柎

案柎毛詩作苴元應所引據韓詩之文說詳韓詩攷

維今之災○毛詩釋文灾字或作灾

職況斯引○詩經考文古本見作況下同

不云自濱○列女傳八詩云池之竭矣不云自濱

案濱毛詩作頻

昔者先王受命有如召公之臣○毛詩關雎正義詩六字者昔者先王受命有如召公之臣之類也

案今毛詩無者字無之臣二字正義所云或據集注採摭三家異文也

有如邵公○後漢書西域傳注詩曰有如邵公